



## DECLARATION

## DE LA VOLONTE'

du Roy addressee à Nosseigneurs de sa Cour de Parlement.

Sur son voyage.

M. DC. XV.

7-14. 4 -

## DE CLARATION DE LA volonté du Roy addressee à Nosseigneurs de sa Cour de Parlement sur son voyage.

## DE PAR LEROY.

Os Amez & feaux dés lors que nous prilmes la resolution de saire nottre voyage de Guyene, pour l'accomplissement de nostre mariage & de celuy de nostre tres-chere sœur. Nous fismes aussi estat d'estre assistez & accompagnez des Princes de nostre sang & de la plus part des autres Princes & Officiers de nostre Couronne comme en vue occasion desplus celebres qui puissent arriver durant nostre regne. Entreautres nous y convialme verbalement nostre Cousin le Prince de Condé, lequel nous auoit tousiours fait esperer de nous donner ce contentement: Neantmoins l'ayant veu depuis quelques mois s'elloigner de nous, nous aurions estimé à propos de nous asseurer plus particulierement de son intention sur ce subiect. Pour cet effect nous luy en fismes patler par nostre Cousine la Comtesse de Soissons & depuis par nostre Cousin le Duc de Neuers, & recognoilsant que par leur ministere nous n'en pouuions auoir aucune asseuree resolution & que mesmes il s'estoit encores retiré plus loing qu'au parauant nous enuoyasmes vers luy le Sieur de Villeroy, pour le presser de satisfaire à ce qui estoit en cela de nostre delir ou scauoir de luy mesme les subiects qui pouuoient causer son essoignement. Surquoy ledit Sieur de Villeroy s'estant rendu pres de luv, & luy ayant fait instance de nottre part sur ce subiect, il

A ii

luya uroit dict qu'auparauant que de se resoudre de s'approcher de nous & nous accopagner audit voya-ge: Il desiroit que nous sissions pour noir à la reformation dequelques desordres, qui estoient dans l'estat, Assauoir sur la tenue de nos Coseils & sur les remonstrances qui nous auoient esté par vous faictes, specialemet en ce qui estoit du faict de la Iustice auec quelques autres points qui sembloyent toucher plu-ftost son particulier que le general. Ce que nous ayat esté rapporté par ledit Sieur de Villeroy à son retour, nousle renuoyalines pour la seconde fois le trouuer auec nos intentions sur lesdits poinces tels qu'il auoit toutsubiect d'en demeurer bien content. Et les luy ayant ledi&Sieur de Villeroy voulu representer; Il auroit entendu de luyce dont nous l'aurions chargé touchant la reformation de nosdicts Conseils: Ce qui nous monstra approuuer, Et pour le regard des autres poin as, il luy declara qu'il n'en pouuoit traicter sans en auoir conferé anec ses amis. Et de fait il partit en mesme instant de Clermont, on il estoit lors pour aller, à ce qu'il dict, atsembler & rencontrer sesdicts amis. Ce que nous ayant detechef esté rapporté par ledict Sieur de Villeroy. Et ayant appris que nostredict Coulinse denoit tronner pen de iouis apres à Noyo ou à Coucy, & qu'il y auoit assigné nos, Cousins les Dues de Longueuille, de Mayenne Comte de S. Paul & Mareschal de Bouillon, ne voulant rien laisser en arriere qui luy peust donner subiect ou pretexte de retarder d'anantage son retour pres de nous, & de nous accompagner en nostre voyage. Nous a luilames de renuoyer encore vers luy pour la troisiesine fois ledict Sieur de Villeroy a. ueccharge & pouuoir plus ample sur ce qui pouuoit

estre de son contentement, & pour luy donner tesmoignage de nos bonnes intentions & de nostre bieueillance en son endroict, & depuis qu'il fust party ayant cossideré combien le temps nous pressoit pour nous acheminer en nostre dit voyage lequel nous a-uions auparauant resolu de saire dés le 25. du moys passé pour arriver à Bordeaux au commencement du prochain & iceluy differé, pour donner tant plus de temps & de moyen à nottredit Cousin de se dis-poser à nous venir trouuer, voyant que nous ne pouuions plus remettre nostre partement pour nous rendre audit Bordeaux, dans le huiciesme du mois de Septembre, ou nous aurions assigné ceux qui se deuoient trouuer pour ces ceremonies en ayant mesmes donné aduis au Roy d'Espagne, afin qu' en mesme temps il disposast les affaires de son costé. Nous nous resolusmes de partir de ceste ville sans aucun retardemet, le Samedy premier iour dumois d'Aoust prochain dont nous aurions estimé deuoir faire aduerur nostre-dit cousin, & les autres Princes & seigneurs qui estoient aupres de luy. Pour cet estect nous despeschames encores vers luy le sieur de Pont Chattrain auec charge de se ioindre auecled. sieur de Villeroy pour tous deux enséble luy presenter les lettres que nous luy escriuions sur ce subiect & luy dire que l'estat de nos affaires, ne nous pouvoir permettre de differer dauantage nostre dit voyage, le convier derechef, & luy faire instance de nous y accompagner ainsi qu'ildeuoit, & nous l'a-uoit faict esperer & de venir prendre pres de nous, & y tenir le rang qui est deub a sa qualité & a sa naissan-ce, & que s'il auoit a y apporter quelque ressuz ou difficulté qu'il nous la fist sçauoir, afin que sur cela,

nous peussiós pouruoir à ce qui est de nostre service. Nous aurions doné charge ausdits sieurs de Villeroy & de Pont-Chartrain de faire les mesmesofficesa l'édroict nosdits cousins les Ducs de Longueuille, de Mayenne, Comte de sain& Pol, & Mareschal de Bouillon: Mais au lieu de nous resmoigner l'obligatio qu'il nous auoyent du soing que nous prenions de les tenir aduertis de nos resolutions, & les appeller pour nous assister audit voyage. Nostre dit cousin le Prince de Condé nous a escrit vne lettre par laquelle il se plaint de la trop grande precipitation dont nous vsons pour nostre-dit partement, & nous mande qu'il ne peut nous y accompagner qu'au parauant nous n'ayons pourueu aux propolitions qu'il auoit faictes pour la reformation de nosdits Conseils, & sur les remonstrances que vous nous auez saictes, & autres particularitez qui nous tesmoignent assez qui n'a eu autre dessein que d'essoigner & remettre si long temps nostre partement pour nostre dit voyage, qu'il nous en fist perdre la commodité pour ceste annee, & possible essayer de rompre le subiect d'iceluy estantsecondé en cette mesme opinion de ne nous accopaguer audit voyage par les Princes & Seigneurs susnommez, du Conseil desquels il s'est seruy pour nous faire la dite lettre, & qui ont sur cela declaré ausdit ssieurs de Villeroy & de Pot Ghartrain, auost pareille intétion sors qu'ils leur ont parlé de nostredit depart. En quoy nous nous somes trouvez d'autat plus deceuzque nous donnions à nostre dit cousin vn entier contentement sur tous les poincts qu'il avoit proposez audit sieur de villeroy concernans le public: Bien est-il vray que nous auons esté aduertis qu'il auoit fait entendre par aucuns de ses plus confidens

secuiteurs des aduantages qu'il desiroit pour son particulier comme auoyent aussi faict aucuns des autres sus nominez sur lesquels nayans receu la satisfaction qu'ils pouuoyent destrer, l'on peut croire que cela a peu aider au refus qu'ils ont fait de venir auec nous maintenant que nous sommes sur nostre partement & ne pouuans demeurer en grand ombrage, Ialousie & defiance sur led. refus que nostredit Cousin & autres Princes & Seigneurs ont fait de nous donner ce contétement que nous attédions d'eux en vne occasion si remarquable, & que contre nostre desir & intention ils demeurent de decà auec tesmoignage de mescontentement, nous auons estimé estre a propos de poutuoir à la seureté de nos villes & places & empelcher qu'il n'y arriue aucun delordreau preiudice de la paix & tranquillité publique. Et a cette fin nous escriuons presentement à nos Gouverneurs & Lieutenants generaux & autres qui ont charge dans nos Prouinces à ce qu'ils ayent à prendre soigneusement garde que l'on n'y face aucunes entre prises qui y puissent apporter du trouble & de l'alteration, afin qu'estans aduertis de tout ce que dessus: Ils ayent à pouruoir à ce qu'ils iugeront necessaire, pour empescherles desordres & mouvemens qui pourroienz arriuer en l'estenduëde leurs charges & qu'iln'y soit faict aucune leuce de Gens de guerre sans nos lettres & Commission, & aussi qu'ilsayent à donner ordre que les habitans des villes, faceut gardes aux portes pour observerceux qui yront & viendront & empescherl'entree ausdits Princes & Seigneurs sus nommés & autres qui seront aduoüés & recognus estre de leur part. Si ce n'est anec lettres ou passeport de nous & qu'ils prennéegarde que eux ny autres ne s'en puis

sent rendre maistres & troubler le repos desdits habirans ny les destourner de la fidelité & obeissance, qu'ils nous doiuent, vous avant voulu aussi escrire & tenir aduertis de tout ce que dessus, afin qu'en estans particulierement informez, vous apportiez ce qui dependra de vostre authorité pour maintenir nos subjects en leur deuoir & faire viure en bonne vnion & concorde les vns auec les autres souz l'observation de nos Edicts faicts pour la conservation de la paix, repos & tranquilité entre tous nosdits subiects tant Catholiques que de la Religion pretendue reformee. En sorte qu'il ne soit rien faich ny entrepris au cotraire d'iceux & de nostre service pour uoyant exa-Etement à faire punir & chastier les contreuenans selon la rigueur de nosdits Edicts comme est nostre intention qu'ils soient entierement gardez & obseruez dont nous asseurant que vous en ferez tout deuoir de vostre part. Nous ne vous en ferons icy plus expresse ordonnance. Donné a Paris le trentiesme Iuillet mil cens quinze.

figné Lovys & plus bas de Lomenie,



